



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. D. N. Benedicti XIV. Declaratio Super Matrimoniiis Inter
Protestantes Et Catholicos**

Benedikt <XIV., Papst>

Coloniæ, 1746

VD18 1439684X-001

13. Relatio Ep. Antv.

urn:nbn:de:hbz:466:1-40802

M.
R E L A T I O.

Reverendissimi Episcopi Antverpiensis:

Notitiam, & praxim, quam circa Matrimonia Heterodoxorum in parte Diœcesis meæ, quæ Fœderatorum Ordinum dominio subest, successivè observatam reperi, hic reverenter subjungo.

In primis quantum ad Matrimonia, quæ Acatholici inter se contrahunt, nullum apparet vestigium, talia à sæculo, & ultra, servatâ utique Concilii Tridentini formâ, seu coram proprio Parocho ibidem fuisse contracta, utpote variis decretis diversis temporibus editis Presbyteris Romano-Catholicis sub Generalitate (ut vocant, cui duo integri hujus Diœcesis districtus subjacent) degentibus omni prorsus functione, & assistentia in celebratione Matrimoniorum severissimè interdictâ: Unde contigit, ut vel ipsi Catholici aliquandiu, imò per annos plurimos ad Viciniores Pastores excurrere, & benedictionem nuptialem exposcere coacti fuerint, donec sensim rigore illo tantisper relaxato, & mitigato per proprios Parochos denuo solemnizatio adhiberi cœpit, hac tamen nota, ut etiamnum servata cautela, ut non assistant ullorum Matrimonio, qui præviè coram loci Magistratu, aut Ministro illud non contraxerint. Tantum abest, ut Pastores nostri Acatholicos inducere, aut compellere præsumant, ut coram se contrahant, persuasi certè nulla re magis offendit.

offendi confederatos Ordines, injuriosissimum sibi arbitrantes, validitatem Matrimoniorum ita contractorum in dubium revocare, quippe qui etiam aliquando Edictis suis in contrarium editis nulla, & irrita declararunt Matrimonia, quæ coram Sacerdotibus Romano Catholicis attentata fuissent.

Eadem ferè est ratio de parte Acatholica contrahente cum Catholica, quantumvis enim allaborent Pastores inculcare, & impedire, ne pars Catholica conjugii jugum ducat cum Acatholicas, contingit nihilominus aliquos vesano amore ductos ad talia profilire, ex quo non minor Parochis suboritur difficultas, dum nequidquam ipsorum juvante hortatu, aut persuasu pars Acatholica pertinaciter ritu nostro conjungi renuit: quamvis subinde res felicius succedat, & Ecclesiæ Romano Catholicæ Legi ad complacentiam usque Acatholici se subjici patientur; prout meo tempore unum, aut forte duos casus habui, in quibus præter gravissimas aliunde caulas, ob allegatam spem conversionis dispensandum judicavi. Porro memini istiusmodi dispensationis propter decretum aliquod immediati mei Prædecessoris, quo Pastorum laxiorem in iis procedendi modum reprimere satagens strictè inhibuit tales sine speciali sua licentia conjugere.

Idem quoque Parochis imminet laqueus, dum titu hæretico conjugatorum pars una ad Fidem Catholicam convertitur, altera in hæresi perseverante, & refractaria manente. In gratiam partis conversæ quidquid possunt conferre non desinunt, licet frequentius inani conatu id fiat. Interim nulli

sunt, qui hos, aut supramemoratos à Sacra-
torum Communione arcere præsumant, utique rati-
eorum Matrimonia civiliter esse valida.

Neque etiam apparet ea ibidem usquam in di-
bium fuisse revocata, saltem post tractatum Pacis
Monasteriensis, in quo potissimum super hac
materia pactum, & conventum fuit, ut Matri-
monia in Fœderato Belgio celebrata, in Belgio
Hispanico quoque valida, & legitima haberentur,
& reciprocè ea, quæ juxta solemnia in Belgio Hil-
panicò recepta inirentur, in Belgio etiam fœde-
rato legitima censerentur.

Quibus omnibus attentis, junctisque simul ta-
tionibus Reverendissimi Domini Episcopi Castro-
riensis pro fundamento Praxis suæ olim adductis
optandum maximè videtur, ut tandem Sedes
Apostolica ad tollendas anxietates sæpenumerò
exortas benigniore aliquo decreto eidem ut-
cumque favere non dignaretur, &
sic animarum lucro salubrius
providere.



INDEX